

Arnaldo Otegi • EH-HB



«Presoen defentsa ezin da koiuntura konkretuekin lotu»

► «Euskal preso politikoen defentsa egitea Euskal Herriaren

hitza eta duintasunaren defentsa egitea da. Zoritxarrez gaur ez dauke hemen beste batzuetan hemen egon direnak, gutxitan izan bada ere, baina guk berriro diogu euskal presoek defentsa ezin dela lotu koiuntura konkretuekin, baizik eta ikuspegi orokorrago eta sakon batekin».

Imanol Lazkano • Bertsozaleen elkartearen lehendakaria



«Herriaren eskubideak eskatzea gauza naturala da»

► «Herriaren eskubi-

deak eskatzea gauza naturala da, eta bertsolaritza beti izan da herriaren ahots. Besterik gabe gaurko manifestaziora herriaren ahots izatera etorri gara. Gaur nahiko nabarmena da herriak zer eskatzen duen, eta bertsozale elkarteak ez guren hortik aparte izan nahi».

Maixux Rekalde • Elkarri



«Giza eskubideen alde gaudelako etorri gara»

► «Gu Donostiara etorri gara beti giza eskubideen alde

egon garelako, baina denon giza eskubideen alde. Elkarri hasieratik aritu izan da euskal presoek inguruan, beraien eskubideak errespetatu daitezela eskatuz. Gaur falta direnen inguruan, beraiek esaten dutenez oso zaila da elkarlana egitea indarkeria bizirik dagoenean».

Rafa Diez • LAB



«Manifestazio hau urrats inportante bat da»

► «Manifestazio honek erakusten du gizartearen badagoela

konpromisoa eta indarra presoek eskubideak eta Euskal Herriaren hitza errespetatu daitezela lortzeko. Beraz, nik uste dut gaurko manifestazio hau urrats inportantea izango dela presoek aldeko errebindikazioekin jarraitzeko. Eta dei egiten diet gaur etorri ez direnei, aurrerantzean gurekin aritzeko».

«Konpromisoa da modu bakarra sakabanaketa amaitzeko»

Atzo falta zirenekin hitz egiteko prest daudela berretsi zuten antolatzaileak

Axun Erzibengoa / Donostia

TRIKITI doinuekin hasi zen manifestazio amaierako ekitaldia. Imanol Lazkanoren bertsoak eta Euskal Preso Politikoen Agiriaren irakurketaren ondoren Tomas Karrera Senideen koordinatzaileak hitz egin zuen manifestazioaren antolatzaileen izenean. Manifestazioan parte hartu zutenei eskerrak eman ondoren, Frantzia eta Espainiako estatuen jarrera oso gogorra dela azaldu zuen, eta ez dutela beraien legea betetzen. «Preso eta senideen sufrimenduan oinarritzen dira eta ez dute sakabanaketa amaitzeko asmorik». Presoen eskubideak zapalduta izatea berdin zaiela erantsi zuen, are gehiago, «nonbait preso zein senideok eskubiderik ez dugu», azaldu zuen Karrerak.

«Sufrimendu zama hau guztia mantentzea gizagabetasun seinale besterik ez da», Karrerak esan zuenez. Espainiak eta Frantziak nazioarteko instituzioek, edota euskal instituzioek diotenari muzin egiten diotela azaldu zuen segidan Karrerak. «Ez dituzte mobilizazioak eta adierazpenak aintzakotzat hartzen. Zer erakusten du horrek, Euskal Herria espetxe handi batean bihurtu dutela akaso?». Hala, gizartearen espetxeratuta dagoela eta guztiok preso gaudela azaldu zuen.

Hala ere, atzoko manifesta-

zioaren helburu nagusia presoek eskubideak bermatzea zela azaldu zuen. Horren inguruan hitza eman duten guztiak, ordea, atzo ez zirela manifestazioan azaldu esan zuen Karrerak. «Haiei esaten diegu gure nahia hurrengoan denok egotea dela, haien zain gaudela, eta bestela haiengana hurbilduko garela».

Espetxe politika amai dadin haren aurka egunero aritu beharra dago Karrerak esan zuenez. «Denon konpromisoa beharrezkoa da. Madrilera eta Parisek presoekiko duten jarrera antidemokratiko eta kupidarik gabekoa indargabetzeko bide bakarra da hau». Gizartearen konpromisoaren erakuslea uneoro agertu behar dela erantsi zuen.

Erantzukizuna herri gisa hartu beharra

Ekitaldi amaieran Juan Mari Olanok ere gainontzeko eragile sozial eta politikoei hitz egiteko «disposizio osoa» dutela azaldu zuen. Izan ere, bere ustez espetxe politika amaitzeko erantzukizuna herri gisa hartu beharrezkoa da. Aste honetan emandako pausoak garrantzitsuak direla azaldu zuen Olanok, baina datozenetan zer egin pentsatu behar dela esan zuen. «Jasoko dugu aste honetako uztia, baina aurrera begira zer egin pentsatu behar dugu, gure esku baitago».



EDURNE KOCH

Airetik ateratako argazkia manifestazioa San Martin kalea eta Kontxako pasealekuan zihola.

Manifestazioan zehar antolatzaileek beste zenbait adierazpen ere egin zituzten. Richard Irazusta ABko ordezkariak ere garrantzitsua zela esan zuen atzoko manifestazioa. «Gure ustez garrantzitsua da mezua Eus-

kal Herri osotik etortzea». Presoak Frantzia eta Espainian direla oroitarazi zuen.

Yves Machicote Haikako kideak iragan astearen balorazioa onartu eta, eta hemendik aurrera bakoitzak bere konpromisoa egunero

jarraitu behar duela adierazi zuen. Amaia Etxeberria STEE sindikatuko kideak elkarlanean garrantzia aipatu zuen. Batera-n onartu dekalogoaren inguruan lanean hasteko garaia dela esan zuen.